

Kangikhidjutikhaq

Aupadjaalirniit uvingmi (measles)

Hunaungmat aupadjaalirniit uvingmi (measles)?

Aupadjaalirniit uvingmi (measles) (taiyauyuqlu aupayaaqtuq (measles) uuminngaluuniit rubeola) qayangnaqtuq aanniarut pipkaktauyuuq qupilrumit. Takunnaittuugaluaq Kaanatami amihut inuit kapuqhiinaqpangmata aannialirnaittumik taafuminnga.

Qanuqtut ilihimaniaqqit aupadjaalirniit uvingmi (measles)?

Aupadjaalirniit uvingmi (measles) aulapkaivaktuq kitjaktuq, qalakuq, qinga kuviinaliqluni aupatjaalaqiluni, puvittuq, kulviinalaqlunilu iingit (ulurianaqhilunilu qulliqmut qaumaniqmut). Mikkannuat, qakuqtat takunnaqtut qanimini. Qakunguqqat, aupayaaqtuq kilaatut takunnaqtut akuliamini niaquminilu, talvannga hiamitiqtuq timimut. Tamna kilaaqtut ittuq uviniinnaqtuq hitamani 7mut ublunik.

Qanuriliurutingit pilihaaqpaktuq 10nik ublunik talvannga inuk aaniaqtuqaliqqat. Qanuriliurninngit qayangnatqiyauyut biibinnuani inirnutlu. Aupadjaalirniit uvingmi (measles) hiamitiqtuq hiutikmut, puvakmut (namuuniaqluni) qaritauyanullu (qablunaatitut taiyauyuq encephalitis) tuqutpikailunilu. Hingaiyaqtut aupadjaalirniit uvingmi (measles)-lik qilaminnuaq biibinikpaktut anivikhaa tikitinnagu ilaani ilumiutaiqluniluuniit. Measles biibinnuamut timimitigut ihuirutipkalimaittuq.

Qanuqtut hiamitiqtauva?

Measles atauhiuyuuq hiamitiinaqtuq aaniarut ilihimayauyuq, hiamitiqtuqlu qilaminnuaq inukmit inukmut qingamit kuviyumit iggianganitlu kinamit aaniaqtumit (qalakhuraangata tagyurumikluuniit). Tamna aaniaqtuq inuk hiamitiqpaktaa aaniarut hitamanik aaniaqtinnagu hitamanik aaniarutigangat.

Kitkut aaniarutiniktaaqtuq taafuminnga?

Kinaliqaak inuuhimayut 1970 qaangiqqat kapurhihimaittuq measles-liqhimaqtuq qayangnautiuyut. Inuit inuuhimayut 1970nguqtinnagu measles-qaruknaqhiyuugaluaq mikkautillutik aaniarutipkaiyauyullu. Nutaqqannuat ukiulgit atauhinguqtillugu ukiunik qayangnautillaqtauyut taimaa measles kapurhiutingit tuniyaungitpata 1nguqtinnagu qaangiutigumiluuniit ukiunga.

Hunaungmata havautikhangit?

Havautikhaittut measles-mut inuitlu naamakhivaktut aihimaplutik. Tahapkuat aaniaryuaqtut munarhiliaqtukhaugaluat.

Tamna measles-mut kapurhiutingit tuniyauvaktuq inuknut ilaani hanianiitkumi inuk measles-qaqtumik. Hanianiitkaluaruvit inukmik measles-qaqtumik, uqaqatigitjavat munarhit.

Qanuqtut hiamittailitikhaqqaqata?

- Tahapkuat inuuhimayut 1970qaangiqqat, kapurhiqniq nakuutqiyauyuq taimaa measle-naittumik.
- Algakkit uarukni nakuutqiyauyuugaluaq aaniarutinnaittumik. Algakkit uarukni, qalakhuruiruvit tagyuruiruvitlu, munarinnatit inukmit munarhiuruknilu aaniaqtumik, hiamitiqnaittuugaluaq aaniarutimik.
- Niriarnik aallanut niripkaruiqlugu, niuqqaqtarniklu, higaatit aalluutit kapurautitluuniit, kigutigikhautit.
- Kakkiiyautimut qalakuqpaklutit tagyuqpaklutitlu ikuhiknulluuniit.
- Aihimavaklutit aaniaruvit.
- Kapurhiqpaklutit tingminahuaruvit unghiktumut autsaimut Kaanatamit.